

www.BibleForChildren.org


Mattius 8



Wali yako etu, ojo kagananya dua mbengi, re'e paparongo nja'u kota Kana ri propinsi Galilea. Tempo roa mpaparongo etu nja'u indo i Yesu nja'u ria, pasi nja'u seja i Yesu pasi kami to anaguruNya apa kami radinsi seja yau mantako.



Pei ri rayanya tau mantako etu, puramo tule anggur,
see naka indo i Yesu mampobuuka Ananya bara maya
mangansawang tau pue banua etu. Wali ia
manganto'oka i Yesu, to'onya, "Sira tamo re'e tule
anggur." Pei indo i Yesu manganto'oka to papolaong
ntau pue banua, ia manganto'o, "Kesaa to la
manganto'oka komi mangika, ikam."



Wali i Yesu manganto'oka to papolaong ntau pue banua, to'oNya, "Banangika ue la'u raya ntampa nue etu." Wali sira mangabanang tampa nue etu naka buke.



Roo see i Yesu manganto'oka sira,
“Oko sangkodi ue etu pei kenika tau
to mampasilonga roa si'i.” Wali sira
mangkenika tau to mampasilonga
roa etu ue.



Wali tau to mampasilonga roa etu, ia taa nansani yako
imbare anu to rainu to nakeni nsira etu, apa ojo to
papolaong to nangoko ue
etu semo to mangansani.
Pei tempo ia mampeyaa
ue etu, gete, ue etu
roomo nawali yau tule
anggur! Wali tau to
mampasilonga
roa etu ia ipu
rayanya mangepe
apa matao
kojo tule
etu.



See naka ia mampokio tau langkai to rapaporongo. Ia manganto'oka ngkai etu, "Biasanya ane tau mangika roa, ane to pantako owo rata sira rawaika ruyu manginu tule anggur to matao kojo, panewa yako etu, tempo sira roomo manginu-nginu see naka sira tamo maya mampasisala tule to matao pasi tule to taa, tempo etu sira rawaika manginu tule anggur to biasa."



“Pei si’a ewa wetu nuika ngkomi. Tempo si’i semo panewa komi mangawaika sira tule anggur to matao kojo.”



Wali tempo i Yesu mampapowali ue mawali tule anggur nja'u kota Kana ri propinsi Galilea etu, etu semo palaong to taa rapobiasa to uyunya kojo naika i Yesu.



Wali yako palaong to etu re'e tau to mangkita
kuasaNya, see naka sira mangansani
la masipato rabarong.


Wali yako etu maroso wo'u
pangaya mami to
anaguruNya resi la.



Wali yako etu i Yesu nayau njo'u banua i mPetrus. Tempo la masua nja'u ria la mangkita temanua i mPetrus to we'a jamo maturu-turu apa wojo.



Wali i Yesu mampotaka pale ntau we'a etu panewa
ia mansaka roo muni yako wojo. Wali tau we'a etu
mambangu pei mampalinggona i Yesu.




Wali yako etu, ojo kawurinya rao, nasiromumo songonya tau ri kota etu ri tango banua i nSimon sira dua i Andreas. Tau boros etu mangkenika i Yesu samparia tau to masaki pasi tau to napsuak measa.



Wali i Yesu mampakatao muni boros tau to kono panyaki pangaya-ngaya. Pasi boros seja tau to naposyak measa, la mangarubak yau measa yako resi sira. Tempo la mangarubak measa etu, la taa mangabiaka measa etu magombo apa sira mangansanika la semo Ana i mPue Allah.



Wali samparia tau boros etu rani mamputaka i Yesu,
apa re'e kuasa to masuwu yako ri koroNya, kuasa etu
mampakatao muni
panyaki nsira
samparia.



Panewa tongo-tongonya la magombo etu, ma'i sawei mba'a tau mangkenika la ngkai to malulu koronya. Ngkai etu nalempa ntau opo mba'a ri wawo lima-lima.



Pei tempo sira rata nja'u banua etu,
sira taa mawali mampakamosu resi i
Yesu apa tau boros kojo. Wali
see naka sira mapone ri wawo
banua panewa mangayali
yau sangkodi ata
tondo ri wawo i
Yesu.



Panewa yako ri wayau ri ata
to nayali nsira etu, sira
manguyu tau to malulu
koronya etu sigalo
lima-limanya ri tango i
Yesu.



Wali tempo i Yesu mangkita anu to naika nsira etu, la mangansani sira mansarumaka kojo la.

Wali see naka la manganto'oka tau to malulu koronya, la manganto'o,

“A'ingKu, dosamu roomo ralapas yau.”

Wali yako etu i

Yesu manganto'oka ngkai malulu koronya,

“Pakore pei okotaka lima-limamu pei pawolili muni ri banuamu.”



Wali yako etu i Yesu mapone ri bangka pasi
anaguruNya mangalulu seja la. Pei
ri raya mpalayag nsira, kodi
majoli rata ngoyu to marimbo
kojo see naka bombang
mawali bose kojo.



Bombang etu masua ri raya bangka nsira
wali bangka etu dabukemo ue. Pei
i Yesu, la re'e tongo
ngkayoreNya.



Wali i Yesu manganto'oka sira, “Maka pei meka raya ngkomi? Kodi kojo pangaya ngkomi.” Yako etu i Yesu mambangu pei mamporentang ngoyu pasi bombang. Wali ngoyu pasi bombang etu mandoo yau, pasi rano etu mawali lindu kojo. Wali anaguru i Yesu ipu kojo raya nsira pei masipotanaka samba'a pei samba'a, sira manganto'o,

“Gete, sema kamonsonya tau si'i maka sakowa ngoyu pasi bombang mampalaika seja la?”



Apa bae kojo pamporayang i mPue
Allah resi to lino, see naka la mangawai
Aku, AnaNya to samba'aja, see i sema
tau to mangaya Aku, tau etu taa
darapakaja'aka yau, pei
damangarata katuwu to
singkasaenya.



Roma 3:23 Apa samparia tau paka madosa pasi taa kojo masipato mangarata tilanya yako kayawa i mPue Allah.

Roma 6:23 Apa ntanapa ntau mangika dosa, etu semo kapate. Pei sora to yako resi i Pue Allah, etu semo katuwu to singkasaenya. Wali kita maya mangarata sora etu apa saba kita samba'a pei i Kerisitu Yesu, Pue ngkita.

Ibrani 9:27 Wali songka i mPue Allah, etu semo to lino ojo sangkani mate yau panewa roo see nabotus i mPue.

Epesus 2:8,9 Wali yako kanoto i mPue Allah semo naka pei komi seja rapalaes apa saba komi mangaya i Kerisitu.

Wali si'a yako palaong ngkomi naka pei komi rapalaes.

Sora i mPue Allah semo naka pei komi rapalaes.

Wali si'a yako palaong ngkita naka pei kita rapalaes, see naka tare tau to maya tabaro.



Roma 10:9,10 Apa ane kita mampatimonso, manganto'o, "I Yesu la semo Pue," pasi ane raya ngkita mangaya kojo i Pue Allah room mangawangu muni i Yesu yako ri kapateNya, ane ewa see kita darapalaes.

Apa raya ngkita mangaya i Pue Yesu, see naka kita nato'o i mPue Allah tare dosanta. Pasi nganga ngkita mampatimonso pangayanta etu, see naka kita rapalaes.

Yohanes 3:16,17 Apa bae kojo pamporayang i mPue Allah resi to lino, see naka la mangawai Aku, AnaNya to samba'aja, see i sema tau to mangaya Aku, tau etu taa darapakaja'aka yau, pei damangarata katuwu to singkasaenya.

Apa kamonsonya i Pue Allah mampokau Aku, AnaNya, ma'i ri lino si'i, si'a ma'i damangahuku to lino, pei yako palaong to Aku mangika see naka to lino darapalaes.



1 Yohanes 5:11-13 Wali si'i semo kareba etu: I Pue Allah roomo mangawaika kita katuwu to singkasaenya, pasi AnaNya semo pu'u ngkatuwu etu.

Wali i sema-sema tau to re'e Ana i mPue Allah resi ia, tau etu re'e seja katuwu to etu. Pei tau to tare Ana i mPue Allah resi ia, tau etu tare katuwunya to etu. Wali to tao-tao kita mangaya anu to etu mangkonong Ana i mPue Allah, apa i Pue Allah semo matamanasa mpalaong to etu, pasi la masipato rasarumaka.

Wali aku kunsani komi roomo mangaya kuasa nu Ana i mPue Allah. Pei aku tiroowa mangantulisika komi sura si'i see damanasa ngkomi saba yako pangayang komi la, re'emo katuwu to singkasaenya resi komi. Pasi aku mangantulisika komi sura si'i see tare pandoonya komi mangaya la.



Matus 8-9; Markus 1-2, 4; Lukas 4, 8; Yohanes 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Pamona (pmf) © 2018 New Tribes Mission, Sanford, FL
32771-1487, USA. Printed in the United States of America

<https://www.bible.com/en-GB/bible/2982/GEN.1.WNT>

©2025 Bible for Children, Inc.

www.M1914.org

www.bibleforchildren.org

